



Në bazë të dispozitave të Buxhetit të Republikës së Maqedonisë së Veriut për vitin 2025 („Gazeta Zyrtare e RMV-së“ nr. 254/24 nga data 16.12.2024), neni 24 paragrafi 1 dhe 2 nga Ligji për Ekzekutimin e Buxhetit të Republikës së Maqedonisë së Veriut për vitin 2025 („Gazeta Zyrtare e RMV-së“ nr. 254/24 nga data 16.12.2024), Vendimi për kushtet e shpërndarjes dhe përdorimit të mjeteve për financimin e aktiviteteve programore të shoqatave dhe fondacioneve nga buxheti i Republikës së Maqedonisë së Veriut për vitin 2025, nr. 50-315/3 nga data 14.1.2025 („Gazeta Zyrtare e RMV-së“ nr.11/25 nga data 17.01.2025) dhe Programi për financimin e aktiviteteve programore të shoqatave dhe fondacioneve për vitin 2025, nr.50-871/5 nga data 11.02.2025 („Gazeta Zyrtare e RMV-së“ nr. 33/25 nga 14.02.2025), si dhe në lidhje me nenin 49 paragrafi 1, 2 dhe 3 nga Ligji për Shoqatat dhe Fondacionet („Gazeta Zyrtare e RMV-së“ nr. 52/10, 135/11, 55/16 dhe „Gazeta Zyrtare e RMV-së“ nr. 239/22), si dhe neni 4 i Kodit të praktikave të mira për mbështetje financiare të shoqatave qytetare dhe fondacioneve („Gazeta Zyrtare e RM-së“ nr. 130/07), Ministria e Marrëdhënieve ndërmjet Bashkësive shpall:

THIRRJE PUBLIKE **për mbështetje financiare të shoqatave dhe fondacioneve**

1. Qëllimi i thirrjes publike

Qëllimi i thirrjes publike është sigurimi i mbështetjes financiare për programe/projekte të organizatave joqeveritare në përputhje me Programin për financimin e aktiviteteve programore të shoqatave dhe fondacioneve për vitin 2025.

Shpërndarja e mjeteve nga Buxheti i Republikës së Maqedonisë së Veriut për vitin 2025 të përcaktuara në Seksionin 04010 - Ministria e Marrëdhënieve ndërmjet Bashkësive, Nënprogrami 11 – Promovimi i marrëdhënieve ndëretnike, pika 463 – Transferimet për organizatat joqeveritare, bëhet në përputhje me Programin.

2. Përshkrimi i Programit

Programi për financimin e aktiviteteve programore të shoqatave dhe fondacioneve është i orientuar drejt forcimit të bashkëpunimit me sektorin civil si partner kyç për zhvillimin e kulturës së pjesëmarrjes së tyre në sferat e jetës shoqërore dhe në krijimin e politikave publike, si dhe për promovimin dhe avancimin e marrëdhënieve ndëretnike.

3. Lloji i programeve/projekteve të cilat do të mbështeten

Thirrja publike shpallet për financimin e aktiviteteve programore të shoqatave dhe fondacioneve për programe/projekte të cilat do të përfshijnë disa nga qëllimet në vijim:

A) Qëllimet prioritare:

- barazi dhe mosdiskriminim në të gjitha fushat e jetës shoqërore;
- përmirësimi i kohezionit social dhe tolerancës ndëretnike;
- sigurimi dhe promovimi i vlerave të Marrëveshjes Kornizë të Ohrit (identiteti etnik, kulturor, gjuhësor i bashkësive);
- udhëheqje e sukseshme e bisedimeve negociuese me Bashkimin Evropian;

- sundimi i së drejtës, pavarësia e gjyqësorit, luftë pa kompromis kundër krimit dhe korrupsionit me transparencë të gjerë dhe obliguese;
- avancimi i arsimit në gjuhët e pjesëtarëve të bashkësive në arsimin fillor dhe të mesëm në mënyrën e përcaktuar me ligj;
- informimi në gjuhët e pjesëtarëve të bashkësive në media tradicionale dhe digjitale për të informuar publikun e gjerë.

B) Qëllimet specifike:

- avancimi i tolerancës ndëretnike dhe eliminimi i të gjitha llojeve të diskriminimit;
- promovimi i karakterit multietnik të shoqërisë, ndërtimi i besimit dhe bashkëjetesës së suksesshme të pjesëtarëve të bashkësive në nivel qendror dhe lokal;
- zbatimi i parimeve të cilat burojnë nga Marrëveshja Kornizë e Ohrit;
- zbatimi i të drejtës për përdorimin e gjuhëve të pjesëtarëve të bashkësive në mënyrën e përcaktuar me ligj;
- promovimi dhe mbrojtja e trashëgimisë kulturore të pjesëtarëve të bashkësive;
- avancimi i bashkëpunimit ndëretnik në fushën e kulturës dhe arsimit;
- promovimi dhe avancimi i respektimit të identitetit të pjesëtarëve të bashkësive;
- përmirësimi dhe zbatimi i të drejtave të njeriut, korniza ligjore për mbrojtjen e të drejtave themelore;
- bashkëpunimi më efikas dhe veprimi i përbashkët ndërmjet strukturave kombëtare për të drejtat e njeriut, partnerëve socialë, organizatave të shoqërisë qytetare dhe organeve qeveritare për të avancuar agjendën e të drejtave të njeriut;
- përforcimi i sundimit të së drejtës, përmes zbatimit të paanshëm dhe jodiskriminues të ligjeve;
- zhvillimi i një sistemi të drejtësisë i cili mbron në mënyrë efektive liritë e njeriut, të drejtat dhe një sistem të përbashkët të vlerave;
- lufta e vendosur dhe jo selektuese ndaj krimit të organizuar dhe korrupsionit, reforma në drejtim të sundimit të ligjit dhe ndërtimi i institucioneve të pavarura;
- zhvillimi i arsimit në funksion të krijimit të personaliteteve të cilët do të respektojnë, kultivojnë të drejtat qytetare, tolerancën, diversitetet, edukimin në frymën e multikulturalizmit dhe ndërkulturalizmit dhe aftësimin për nevojat e tregut të punës dhe
- përmirësimi i informimit në gjuhët e pjesëtarëve në sferën publike dhe në raportimin mediatik.

4. Korniza kohore dhe mjetet e përgjithshme të parapara / në dispozicion

Mjetet nga buxheti i Ministrisë së Marrëdhënieve ndërmjet Bashkësive, në një shumë totale prej 20.000.000,00 denarë do të përdoren për financimin e aktiviteteve programore të shoqatave dhe fondacioneve përmes granteve deri në shumën prej 600.000,00 denarë. Pagesa e mjeteve të ndara do të bëhet pas nënshkrimit të kontratës dhe në përputhje me dispozitat e përcaktuara në kontratën për ndarjen e mjeteve financiare.

Zbatimi i programeve/projekteve do të zgjasë deri më 31.10.2025.

5. Kushtet bazë për aplikim

Shoqatat dhe fondacionet të cilat marrin pjesë në Thirrjen publike duhet të plotësojnë kushtet në vijim:

- të jenë të regjistruara në pajtim me dispozitat e Ligjit të Shoqatave dhe Fondacioneve të paktën një vit para publikimit të thirrjes publike;
- të mos kenë marrë mjete ose të kenë dorëzuar një kërkesë nga/deri te një organ tjetër i administratës shtetërore ose burime të tjera për të njëjtin qëllim dhe aktivitete për të cilat parashtrijnë kërkesë, që do të thotë financim i dyfishtë i aktiviteteve të njëjta nga burime të ndryshme;
- të kenë dorëzuar raport mbi përdorimin e mjeteve nga Buxheti i Republikës së Maqedonisë së Veriut për aktivitete programore për vitet e kaluara
- të merren me aktivitete dhe projekte me interes publik dhe
- të mos kenë ndalesë për të përdorur mbështetje nga shteti në përputhje me nenin 52 nga Ligji për Parandalimin e Korrupsionit dhe Konfliktit të Interesave.

Dispozita e paragrafit 1, pika 3 e këtij neni nuk i referohet kërkesave për kompensimin e pjesës për bashkefinancimin e projekteve të Bashkimit Evropian nga përdoruesit përfundimtarë.

6. Vlerësimi i cilësisë së programeve / projekteve

Vlerësimi i cilësisë së programeve/ projekteve të shoqatave dhe fondacioneve të cilat i plotësojnë kushtet themelore do të kryhet në bazë të kriterëve të posaçme programore:

Kriteret	Maksimumi i pikëve
1. Vlerësimi i kapacitetit të shoqatës/fondacionit	20
1.1. Struktura organizative dhe resurset për zbatimin e projektit (të punësuar, vullnetarë aktiv ose persona të angazhuar me honorar, hapësira afariste, pajisje teknike dhe aftësi për realizimin e buxhetit)	10
1.2. Përvoja e dëshmuar në fushën (qëllimin prioritar) të cilës i referohet propozim projekti	10
2. Bashkëpunimi dhe rrjetëzimi	5
2.1. Anëtarësimi në rrjete dhe platforma të organizatave qytetare (kombëtare dhe ndërkombëtare) dhe projekte të realizuara në bashkëpunim me organizata të tjera ose me organe të administratës shtetërore	5
3. Cilësia e projektit	50
3.1. Kontributi i projektit në arritjen e qëllimit prioritar të caktuar dhe ndrueshmëria e projektit	10
3.2. Arsytimi për nevojën për zbatimin e projektit	10
3.3. Aktivitetet e propozuara të sjellin në realizimin e rezultateve të parashikuara në projekt	10
3.4 Plan i qartë, i realizueshëm, i matshëm dhe real për zbatimin e projektit	10
3.5. Indikatorë të definuar qartë për matjen e arritjeve	10
4. Buxheti dhe efikasiteti i shpenzimeve	20

4.1 Harmonizimi i mjeteve të kërkuara me aktivitetet e planifikuara dhe arsyetimi i shumës së kërkuar të mjeteve	10
4.2. Përshtatshmëria e shpenzimeve të parashikuara me rezultatet e pritshme	10
5. Pikë për nxitjen e zhvillimit të barabartë rajonal në përputhje me Vendimin për klasifikimin e rajoneve planifikuese sipas shkallës së zhvillimit të miratuar mbi bazën e Ligjit për Zhvillim të Barabartë Rajonal	5

7. Dokumentacioni i nevojshëm i cili duhet ta dorëzojë shoqata/fondacioni

Shoqatat dhe fondacionet të cilat marrin pjesë në shpalljen publike duhet të dorëzojnë në vijim:

1. Fletëparaqitje për mbështetje financiare e nënshkruar nga personi i autorizuar dhe e vërtetuar me vulë;
2. Propozim – projekt i nënshkruar nga personi i autorizuar dhe i vërtetuar me vulë;
3. Gjendja aktuale nga regjistrimi në regjistrin e personave të tjerë juridik për regjistrimin e shoqatës / fondacionit, jo më të vjetër se gjashtë muaj, origjinal ose e vërtetuar në noter;
;
4. Kopje të statutit;
5. Kopje të llogarisë përmbyllëse (bilanci i gjendjes dhe bilanci i suksesit) për vitin paraprak ose vërtetim nga Regjistri Qendror i Republikës së Maqedonisë së Veriut që në vitin paraprak kanë realizuar të ardhura më pak se 2,500 euro në kundërvlerë të denarit sipas kursit mesatar të këmbimit të Bankës Kombëtare të Republikës së Maqedonisë së Veriut në ditën e dorëzimit të fletëparaqitjes;
6. Raport për punën me qëllime, aktivitete, rezultate dhe burime të financimit në vitin paraprak;
7. Deklaratë nga personi i autorizuar i shoqatës ose fondacionit i cili nuk ka kërkuar dhe as nuk ka marrë mjete nga ndonjë donator tjetër për të njëjtin projekt;
8. Deklaratë për strukturën themeluese nga themeluesi/personi i autorizuar i shoqatës ose fondacionit, në përputhje me nenin 52 nga Ligji për Parandalimin e Korrupsionit dhe Konfliktit të Interesave;
9. Deklarata për pranimin e detyrimeve të përdoruesit të mjeteve financiare nga Ministria e Marrëdhënieve ndërmjet Bashkësive.

Formularët: Fletëparaqitja për mbështetje financiare, Propozim projekti, Deklarata për strukturën themeluese dhe Deklarata për pranimin e detyrimeve të përdoruesit të mjeteve financiare nga Ministria e Marrëdhënieve ndërmjet Bashkësive janë në dispozicion në **web-faqen** e Ministrisë së Marrëdhënieve ndërmjet Bashkësive www.moz.gov.mk.

Vërejtje: Formularët duhet të dorëzohen detyrimisht në gjuhën maqedonase. Krahas gjuhës maqedonase, formularët mund të dorëzohen edhe në çdo gjuhë tjetër që flitet nga të paktën 20% e popullsisë, në përputhje me ligjet pozitive në fuqi.

Shoqatat dhe fondacionet **nuk mund** të dorëzojnë më shumë se një fletëparaqitje për mbështetje financiare sipas shpalljes.

Fletëparaqitjet me dokumentacion të paplotësuar nuk do të shqyrtohen.

Fletëparaqitjet të cilat do të dërgohen pas afatit të caktuar nuk do të shqyrtohen.

Dokumentacionet bashkangjitur të cilat dorëzohen nuk do të kthehen.

Të drejtë në pjesëmarrje nuk kanë shoqatat dhe fondacionet të cilat në tri vitet e kaluara kanë qenë përfitues të mjeteve financiare nga Ministria e Sistemit Politik dhe Marrëdhënieve ndërmjet Bashkësive, por nuk i kanë përmbushur plotësisht detyrimet të cilat rrjedhin nga kontrata, përkatësisht nuk e kanë arritur qëllimin e kontratës.

8. Afati dhe mënyra e dorëzimit të aplikacioneve

Afati për dorëzimin e aplikacioneve është 30 ditë nga dita e publikimit të Thirrjes publike.

9. Mënyra e dorëzimit të aplikacioneve

Fletëparaqitja me dokumentacionin e plotë, në një zarf të mbyllur duke shënuar "Shpallje për mbështetjen financiare të shoqatave dhe fondacioneve" duhet të dorëzohet nëpërmjet postës, në adresën:

Ministria e Marrëdhënieve ndërmjet Bashkësive
Adresa: "Filipi i Dytë i Maqedonisë" nr.11
1000 Shkup

ose personalisht në arkivin e Ministrisë së Marrëdhënieve ndërmjet Bashkësive, në ditët e punës nga ora 08:00 deri në 16:00.

Pyetje për sqarim mund të parashtrohen në ngo@moz.gov.mk deri më datën 28.03.2025

Shoqatat dhe fondacionet pjesëmarrëse në shpallje do të njoftohen për rezultatet në afat prej 10 ditësh nga dita e miratimit të Vendimit për shpërndarjen e mjeteve nga Buxheti i Republikës së Maqedonisë së Veriut për vitin 2025 të dedikuara për financimin e aktiviteteve programore të shoqatave dhe fondacioneve.